

He Whakatau

Me mātua pānui kia marama rawa koe ki ngā whārangi 8–14 o tēnei pukapuka.

He whakarāpopoto

Pānuitia te whakarāpopoto ki te ākonga. I kite a Haki Nohi i ētahi tāngata rerekē i tērā taha o te taiepa. I te aha rātou?



He kupu whakataki

Kia kaha ki te whakamahi i ngā wheako, me ngā mōhio o ngā ākonga. Kia hāngai tonu te whakatenatena, ki te whakauru i ngā ākonga katoa. Me whakatītina rawa te pūkenga tiro whakamua. Matapakihia ngā kupu hou me te āta whakamahi i te papa kupu me ngā whakaahua kei te uhi. Me whakamaumahara hoki te ākonga ki te pātai i a ia anō i te wā e pānui ana ia mai i te tīmatanga ki te mutunga o te pānui.

Whakawhitiwhiti kōrero mō te mahi “nohi”.

Matapakia ngā tāngata kei tērā taha o te taiepa. Kei te aha rātou? Kei te aha a Haki Nohi? Kōrerotia ngā tāngata e mōhiotia ai e te ākonga i pērā ai.

He Matapaki

Tirohia te pai o te pānui a te ākonga

I te wā o te matapaki me pānui te ākonga i te katoa, i tētahi wāhanga noa iho rānei, o te pukapuka ki a koe. Kātahi ka:

- whakanui, āta tātari, whakahau tika;
- titiro mēnā e tika ana, e pai ana hoki (mā te tatau i ngā hē), te rere o te reo;
- titiro mēnā e marama ana mā te whai i tētahi o ngā huarahi e whai ake nei:
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuatanga o te pakiwaitara, arā, te kaupapa, te ritenga, ngā ariā mātua, te raupapatanga, ngā kiripuaki;
 - te whakatenatena i te ākonga ki te titiro ki mua, ki te matapai hoki, i te wā o te whakataki.

Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini kōpae puoro, i tōna kotahi rānei;
- ki te whakaoti i tētahi o ngā hei mahi e pā ana ki te pukapuka;
- ki te whakaharatau kia eke te ākonga ki tētahi atu taumata.

He whakapuaki māramatanga

1. He aha te kaupapa o tēnei pukapuka?
2. He aha te tikanga o tōna ingoa ko Haki Nohi?
3. He aha ngā tāngata rerekē i kite a Haki Nohi?
4. He tamaiti hakinohi koe?
5. Ki tōu whakaaro he pai te mahi hakinohi?

Ngā whakautu ki ngā whakapuaki māramatanga

1. He tama e titiro ana mā te taiepa.
2. He whakamatemate tonu ki ngā mahi a ētahi atu tāngata.
3. He kēhua, he tūrehu, he tuahiwi, he tākuta, he kīngi, he kuini.
4. Ka rerekē ngā whakautu.
5. Ka rerekē ngā whakautu.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te Tirohanga Whānui mō ngā tino āhuatanga o te pukapuka nei.

Te pūtake

T He rapu mōhio mai i te tuhinga paki.

He whakatakinga ā-roto, he whakaharatau

I mua i te pānui pukapuka, matapakia ngā mahi nohi o ngā ākonga.

Kia oti i te ākonga te pukapuka, matapakia he whakaari mō tēnei pukapuka. Matapakia me te ākonga ngā āhua whakakahu e pai ana ki a ia.

He aha i tuhi ai te kaituhi i tēnei kōrero?

Matapakia ngā huapai, huakino rānei o te mahi “nohi”.